



Inatsisartunut ilaasortaq, Partii Naleraq  
Jens Napätök  
MAANI

## § 37 naapertorlugu apeqquteqaammut nr. 37 2020-mut akissut

Allakkat ulluat: 10-03-2020  
Sulia nr. 2020 - 4193

Asasara Jens Napätök

Soraarnerussutisianut aaqqissuussinermut peqataasussaataaneq pillugu Inatsisartut Suleriaasianni § 37, imm. 1 naapertorlugu, Naalakkersuisunut apeqquteqarputit. Apeqquteqaat uannut akisassanngorlugu innersuunneqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

### 1. Utoqqaat ilarpassuisa ilai suli sullisserusuttut januarip aallaqqaataani 2020-imi utoqqalinersiaqarnissamut ukiut angoreersimangaat akileraarutitigut sakkortuumik artorsinneqarnerat Naalakkersuisunit immikkut ittumik qanoq iliuuseqarfingeqarsinnaava?

Takusinnaasakka malillugit utoqqaat 66-inik ukioqalereersimasut imaluunniit utoqqaanerusut, taamaalillutillu utoqqalinersiaqarneq pillugu Inatsisartut inatsisaat malillugu utoqqalinersiuteqalertussat ukioqalereersimasut aammalu 2018-imi soraarnerussutisiassanut ileqqaakkaminnut naammattumik akiliisimangitsut, apeqquteqaammi siunnerfigineqarput.

Aallarniutigalugu erseqqissarneqassaaq, aningaasat innuttaasut soraarnerussutisiassanut ileqqaakkanut akiliutaat, innuttaasup pigimmagit aammalu soraarnerussutisiaasa qaffasinnerulermeranni innuttaasumut iluaquusiisussaallutik.

Utoqqaat procenti akileraarusiissutaasussaaq qaffallugu skattekortimik tigusaqarsimasut, Akileraarnermut Aqutsisoqarfik attaveqarfiginissaanut aammalu nutaamik skattekortimik tunineqarnissamut tunngavissaqarnera soq nalilersortinnissaanut, periarfissaqarput.

Maleruagassat atuuttut malillugit innuttaasup utoqqalinersiaqarnermut inatsit malillugu utoqqalinersiuteqalertussat ukioqalernissaata tungaanut, ileqqaarnissamut pisussaaffeqarneq atuuppoq. Tamatuma kingunerisaanik innuttaasooq 66-inik ukioqalereersimagaluarluni aammalu soraarnerussutisiaqalereeraluarluni, 2018-imut ileqqaarnissamut pisussaaffimminnik naammassinnissimangikkuni, procenti akileraarusiissutaasussaaq qaffallugu skattekortimik tigusaqartussaavoq. Innuttaasut soraarnerussutisiaqalertussat ukioqalereersimasut, soraarnerussutisianut aaqqissuussinermut akiliisarnissamik pisussaaffilerneqarnissaat, naapertuuppassinngilaq. Taamaattumik innuttaasut soraarnerussutisiaqalertussat ukioqalereersimasut procenti akileraarusiissutaasussaaq qaffallugu skattekortimik tigusaqartussaatinngit aaqqissuussinermik atuutsitsisoqalersinnaanersoq, Naalakkersuisut isumaliutersuutigaat.

- 2. Utoqqaat apeqqummi 1-imi pineqartut aamma utoqqaat aqqissuussinermi ikaarsaariarnerup nalaani eqqungaasut soraarnerussutisiaqalernissamut aqqissuussinermut peqataasussaataasut, maannakkullu akileraarutitigut 50 %-imik akileraartussaataalersut ukiup tulliani "pillangaallutik" 50 %-imik akileraarutitigut akilersuitinneqartut qanoq ilillutik pinngittaalisallutik akileraarutit aqputigalugit eqqungaasut akileraarutitigut akiliutigineqartut utertinneqarnissaat pillugit Naalakkersuisut nassuiaateqarfigineqarsinnaappat?**

Innuttaasut soraarnerussutisiassaminnut naammattumik akiliinissaminnik pisussaaffimminnik naammassinnissimannngitsut kisimik procenti akileraarusiissutaasusaaq qaffallugu skattekortimik tigusaqarput. Qaffassutaa 2020-mi 6 procentiuvoq. Tapiliussassat akiliutigineqartut Akileraarnermut Aqutsisoqarfiup innuttaasup soraarnerussutisiassaattut aqqissuussanut nuuttarpari. 2020-mi nuussineq Kalaallit Nunaanni soraarnerussutisiassanut aqqissuussinermut pisimappat, akiliutigineqartut 2020-mi ukiumut isertitaqarfiusumut isertitat akileraaruteqaataasussat naatsorsorneqarneranni ilanngaatigineqassapput, tamannalu inaarutaasumik naatsorsukkani 2021-mi aggustimi nassiunneqartussani, takuneqarsinnaassaaq. Nuussineq Kalaallit Nunaata avataani soraarnerussutisiassanut aqqissuussinermut pisimappat, akiliutigineqartut ilanngaatigineqarsinnaanngillat.

- 3. Qanoq Naalakkersuisut isumaqarpat ? ilumut uani eqqartorneqartumi inatsisip atuutilernissaanut utoqqarnut pitsaannerusunik ikaarsaariarfilissiinissaq eqqarsaatigilluarnerusariaqarsimannginnerppat?**

Inuiaqatigiinni nunatsinni utoqqartatta naleqquttumik inuuniarnerminni atugaqartinneqarnissaasa qulakkeernissaa, Naalakkersuisut politikkikkut suliaassaraat pingaartoq. Utoqqaat tamarmik soraaminngorlutik inuunerminni aningaasaqarmikkut toqqammavissaqarluarnissaasa aammalu piitsuunnginnissaasa isumaginissaa, ilaatigut suliaassami tassaniippoq. Tamatumunnga soraarnerussutisiassanut akiliisussaataaneq qulakkeerinneqataasusaaavoq.

Maleruagassat suliffeqarnermi sulisartut isumaqatigiissutaannik isumaqatigiissuteqarfiusumi atuutereersut sapinngisamik qanillattorneqarnissaat, inatsisissatut siunnersuutip piareersarneqarnerani pingaartinneqarpoq. Taamaattumik soraarnerussutisianut aqqissuussinermut akiliinissamik pisussaaffeqarneq, soraarnerussutisiaqalertussatut ukioqalernissap tungaanut atuutissasoq siunnerfigineqarpoq. Taamaattoq oqaatigineqareersutut innuttaasunut soraarnerussutisiaqalertussatut ukioqalereersimasunut procenti akileraarusiissutaasusaaq qaffallugu skattekortimik tunniussineq naapertuutinnngitsoq paasinarsisimavoq, taamaattumik innuttaasut taakkua tamatumunnga pisussaaffeqartinneqassanngitsut siunnersuutiginissaa isumaliutersuutigineqarpoq.

- 4. Naalakkersuisut utoqqarnut apeqqutit 1-imi 2-imilu eqqartorneqartunut januarillu aallaqqaataani akileraarutitigut annertoorujussuarmik eqqornerlunneqartunut oqilisaassiniaarlutik qanoq immikkut ittumik iliuseqarniarpat?**

Apeqqummut 1-imut akissut innersuussutigaara aammalu innuttaasut soraarnerussutisiaqalertussatut ukioqalereersimasut procenti akileraarusiissutaasusaaq qaffallugu skattekortimik tigusaqartussaatinngit aqqissuussinermik atuutsitsisoqalersinnaanersoq, Naalakkersuisut isumaliutersuutigigaat erseqqissassallugu.

**5. Naalackersuisut uppersarsinnaavaa-at utoqqaat 1. januar 2020-imi 66-inik ukioqalereersimasut utoqqalinersiutisiassatit tingusinnaalereersimasussaangaa-at?**

Innuttaasut 1. januar 2020 66-inik ukioqareersimasut, utoqqalinersiaqarneq pillugu Inatsisartut inatsisaat malillugu, piumasagaatit inatsimmi tassani allassimasut allatigut naammassisimagunikkit, soraarnerussutisiaqalernissamut pisinnaatitaapput.

**a. Apeqqut 5-imi akuersaarneqarpat, taava utoqqaat 2020 immikkut akileraarutitigut pinngitsaalissaallutik akileraarutitigut akilikkatit tigusinnaassavaa-at?**

Apeqqummut 2-mut akissut innersuussutigaara.

**b. Akissut itingartitsissutaassappat, taava suna inatsit tunngavigalugu utoqqaat 1. januar 2020 pinngitsaalisaallutik ileqqaartitaanerminni ileqqaarutitit tigusinnaassanngilaat?**

Apeqqut 5 akuersaartumik akineqarpat, apeqqut b akineqanngilaq.

**6. Ilumut Naalackersuisut sulinerup imminut akilersinnaasusnaanera aamma utoqqaat sivisunerusumik sulinnarsinnaanerat illersorunikkut, soormi utoqqaat sulinnarusuttut aqqissuussinerni imaattuni immikkut ittumik ikaarsaariarnermi periarfissiiniangillat ? ajornartorsiutit maanna atuutsinneqartut pinngitsoortinniarlungit?**

Apeqqummut 1-imut akissummi oqaatigineqartutut, innuttaasut soraarnerussutisiaqalertussatut ukioqalereersimasut, soraarnerussutisiassanut aqqissuussinermut procenti akileraarusiissutaasusaaq qaffallugu skattekortit aqutugalugu akiliisarnissaat naapertuuppasingilaq. Taamaattumik innuttaasut soraarnerussutisiaqalertussatut ukioqalereersimasut procenti akileraarusiissutaasusaaq qaffallugu skattekortimik tigusaqartussaatinngit aqqissuussinermik atuutsitsisoqalersinnaanersoq, Naalackersuisut isumaliutersuutigaat.

Inussiarnersumik inuulluaqquusillunga

  
Vittus Qujaukitsoq